

Dua sungai di Pahang lepasi paras bahaya

[Asrol Awang](#)

am@hmetro.com.my



SUNGAI Pahang

Kuantan: Dua sungai di Pahang, masing-masing di Bera dan Maran merekodkan bacaan air sungai melepasi paras bahaya setakat 8 pagi, hari ini.

Menerusi laman sesawang Jabatan Pengairan dan Saliran (JPS), Sungai Triang yang merekodkan bacaan 34.58 meter (m) berbanding 34.50 m, manakala Sungai Pahang di Lubuk Paku, Maran merekodkan bacaan 19.22 m berbanding 19 m yang ditetapkan bagi paras bahaya.

Empat sungai pula melepasi paras amaran iaitu Sungai Serting di Jambatan Padang Gudang, Bera; Bera dan Sungai Jempol di Felda Jengka, Maran.

Selain itu, Sungai Luit di Kampung Subuh, Maran dan Sungai Belat di Sri Damai, di sini.

Lima lagi sungai melebihi paras waspada iaitu Sungai Jelai di Kuala Medang, Lipis dan Sungai Tanum di Jambatan Chegar Perah, Lipis.

Sungai Semantan di Jambatan Keretapi Mentakab, Temerloh: Sungai Kundang di Jambatan Sungai Kundang, Maran dan Sungai Lepar di Jambatan Gelugor, di sini.

Disiarkan pada: Disember 12, 2022 @ 9:08am